

## **REFERÁSAJOAVKU LOBIHIS FIILAJUOGADEAMI BIRRA**

### **Bargomearrádus**

Ráddehusa politihka vuodus áigodahkii 2009-2013 (Soria Moria II) siiddus 62 čuožžu ee. ahte “Ráddehus áigu [...] geahčadit mo dahkkivuoigatvuohta, dáiddáriid sisaboadet ja vuoigatvuođat sáhttet sihkkarastojuvvot go dáidda ja kultuvra gilvojuvvojit digitálalaččat.”

Dahkkivuoigatvuođalaččat suodjaluvvon materiála lobihis fiilajuogadeapmi, nugo musihkka, filmmat, dihtorspealut, girjjit ja jietnagirjjit, leat dadistaga lassáneaddji áitta dahkkivuoigatvuođalaččaid vejolašvuhtii dinet ruđaid iežaset dáiddabargguin. Seammás sáhtta dahkkivuoigatvuođa hálddašeapmi Internehtas dagahit hástalusaid mat čatnasit geavaheaddjiid persovdnasuodjaleapmái ja riektesihkkarvuhtii.

Odđa teknologiiija ja odđa geavaheaddjiministarat leat addán mearkašahtti buoret rámmaeavttuid gaskkustit ja viidáseappot geavahit digitála sisdoalu. Hástalus lea gávdnat čovdosiid mat fuolahit sihke dahkkivuoigatvuođalaččaid ja geavaheaddjiid, mat váikkuhit dasa ahte lobálaš bálvalusat eambo geavahuvvojit, ja dasa ahte lobihis geavaheapmi ráddjejuvvo.

Čuvgen dihtii dáid čuolbmačilgehusaid lea Kulturdepartemeanta mearridan vuodđudit referánsajoavkku. Joavku galgá välljet vejolaš doaibmabijuid mat sáhttet ráddjet lobihis fiilajuogadeami ja seammás váikkuhit olbmuid geavahit lobálaš bálvalusaid. Lobihis fiilajuogademiin oaivvilduvvo vuoigatvuođalaččat suodjaluvvon materiála lásten ja lástemii goski materiála Internehtas dahkkivuoigatvuođalaččaid miehtama haga

Referánsajoavku galgá barggustis bajimus politihkalaš ulbmiliid vuodul sihkkarastit dáiddáriid sisaboaduid go lea sáhka dahkkivuoigatvuođalaččat suodjaluvvon materiála digitála gilvimis. Riektenjuolggadusaid beaktilis hálddašeami lassin guovllus šaddet geavaheaddjiid beroštumit ja vuordámušat, dás maiddái lobálaš vejolašvuođat viidáseappot ovddidit digitála sisdoalu, persovdnasuodjaleami ja riektesihkkarvuođa, leat dehálaš bajimus deasttat. Seammá gusto bevttolaš ja boahhteáigásaš elektrovnnalaš gulahallanbálvalusaide.

Joavku galgá doaibmat referánsan departemeantta bargui go dat lea ollislaččat odasmahttimin vuoignadaguslága. Referánsajoavku galgá erenoamážit árvvoštallat:

- Leat go dáláš dahkkivuoigatvuođaid rihkkumiid hálddašanvejolašvuođat Internehtas doarvái buorit ja árvalit vejolaš doaibmabijuid mat sáhttet buoridit vejolaš váilivuođaid. Joavku galgá dan oktavuodas geahčadit olles áigelinnjá iskandásis gitta formála rievttálaš prosessii.
- Vejolašvuođa váldit atnui “litnásat” vugiid ráddjen dihtii lobihis fiilajuogadeami.
- Mo iešguđetlágan gávpemállet, dás maiddái máksinmállet ja fidnosuorggi doaibmiid gaskavuodat, sáhttet váikkuhit lobihis fiilajuogadeami vuostá.
- Eará doaibmabijuid mat sáhttet ovddidit lobálaš gávppašeami kreatiivvalaš (hutkkálaš) sisdoaluin Internehtas.

Lobálaš lástema ja fiilajuogadeami ráját, gč. vuoignadaguslága § 12, eai galgga álgovuorus árvvoštallojuvvo.

Referánsajoavkku bargu galgá loahpahuuvvot ovdal geassemánu 1. beaivvi 2010.